

Quicumque baptizati estis, Christum induistis.

Léctio Epístolæ beáti Pauli apóstoli ad Gálatas 3, 26-29

Fratres:

²⁶ **O**mnes filii Dei estis per fidem in Christo Iesu.

²⁷ Quicumque enim in Christum baptizati estis,
Christum induistis:

²⁸ non est Iudæus neque Græcus,
non est servus neque liber,
non est masculus et femina;
omnes enim vos unus estis in Christo Iesu.

²⁹ Si autem vos Christi,
ergo Abrahæ semen estis,
secundum promissionem heredes.

Verbum Dómini.